



UN VISITA IN BOLOGNA

Le narrator: *Benvenite a Italia del Nord, al capital del region Emilia-Romagna e le "urbe del arcos" – pro non parlar del famose repasto spaghetti bolognese, cognoscite e amate per omne infantes.*



Anna: Attention! Attention al bicyclos!!!

Paulo: Guai, illes non ha un grande respecto del semaphoro con lumine rubie. On risca esser revertite per un bicyclo.

Petro: Si, isto non es bon pro le turismo. Alora nos non va usar tante moneta in le botecas.

Anna: E a proposito botecas: Io vide la un scarperia. Io besonia un par de sandalias. Iste scarpas es troppo calide in iste calor, e io mesmo vide in le fenestra que il ha un par de corio brun clar. Illos pare elegante.

Petro: Ma le precio certo anque es elegante, huh!

Paulo: Ma si Anna los besonia, alora compra los ora. Nos debe marchar tote le die in le urbe, dunque il es importante que le pedes non es mutilate ja post un quarto de hora.

Anna: Si, io va comprar los.

Petro: E io va intertanto visitar le apotheca la, proque io besonia alcun emplastos e anque un nove pasta dentifricie.

Paulo: Forsan un pasta bolognese, ha ha!

Petro: He he, si, io va demandar. Ma probabilmente io va preferer le pasta bolognese, super le qual io sonia, pro lunch plus tarde hodie. Io hasta e retornara tosto.

Paulo: Perfecte, alora io regarda intertanto le fenestras del botecas in iste arcada belle. Uno sembra esser un ver negotio de vinos. Certo, io pote trovar un bon exemplar local.



Anna: Alora, a revider in 15 minutos.

Paulo e Petro: A revider.

Le narrator: *Le tres amicos dispare in cata lor direction pro comprar le cosas que illes besonia. Post circa un quarto de hora illes se assembla de novo in le strata ruitose.*

Anna: Superbe, vide mi sandalias! Non es illos elegante?

Petro: Si, tu pare multo chic.

Anna: Gratias! E vos succedeva comprar lo que vos voleva?

Paulo: Si, io comprava duo bottilias de Lambrusco. Iste typo de vino obviemente veni del region. Isto io non sapeva.

Petro: Anque io non. Ma io es preste con le emplastos, si il ha besonio de prime succurso, post que tu lo ha bibite!

Paulo: Io certo spera que non. Io va preferer seder con un belle vista panoramic in le poner del sol e biber un vitro calme

del vino.

Anna: Io anque – si nos pote prender lo in commun.

Paulo: Hm, forsan, si vos me invita a un ver pasta bolognese con un bon sauce con condimentos e folios de basilico fresc.

Petro: E con raspate caseo parmesan, uhm!

Anna: De accordo. Nos debe visitar un macellero o un supermercato e comprar tote le ingredientes, ante que nos retorna a nostre appartamento iste postmeridie.

Paulo: Ma primo nos debe explorar Bologna, preferibilmente per le stratas pro pedones e sin traffico periculose.

Petro: E, forsan, con un bon gelateria...!

Anna: Uhm, avante!

LE URBE DE ARCOS

■ Bologna es famose pro su multe arcos. Le universitate es-seva fundate in 1088 e es le plus ancian in Europa. Isto augmentava le besonio

de habitationes de bon mercato. Assi appareva le trottoirs coperite con le arcos, proque on augmentava le area per facer le prime etage plus grande.



BOTECAS – SELIGE LE CORRECTE



A caseria

B sucreria

C pischeria

D macelleria



UN VISITA IN BOLOGNA

1 Associa cata parola con un expression o un synonymo.

- | | | | | |
|-----|--------------------------|------------|----|--|
| 1. | <input type="checkbox"/> | semaphoro | A. | in ordine |
| 2. | <input type="checkbox"/> | mutilar | B. | un typo de pelle de un animal |
| 3. | <input type="checkbox"/> | de accordo | C. | esser colpate in un accidente |
| 4. | <input type="checkbox"/> | emplastro | D. | investigar |
| 5. | <input type="checkbox"/> | corio | E. | destruer o vulnerar |
| 6. | <input type="checkbox"/> | pedon | F. | un lumine que regula le traffico |
| 7. | <input type="checkbox"/> | condimento | G. | un valvula o curva in un edificio |
| 8. | <input type="checkbox"/> | arco | H. | ingrediente que da sapor al mangiar |
| 9. | <input type="checkbox"/> | explorar | I. | un persona qui marcha |
| 10. | <input type="checkbox"/> | reverter | J. | copertura elastic pro guardar un vulnere |

2 Lege le texto de novo, e responde, si le phrases es ver (V) o false (F).

- | | V | F |
|---|--------------------------|--------------------------|
| 1. Paulo visita le scarperia e Petro le apotheca. | <input type="checkbox"/> | <input type="checkbox"/> |
| 2. Bologna es famose pro su arcadas. | <input type="checkbox"/> | <input type="checkbox"/> |
| 3. Le amicos se incontra post un quarto de hora. | <input type="checkbox"/> | <input type="checkbox"/> |
| 4. Petro compra pasta bolognese. | <input type="checkbox"/> | <input type="checkbox"/> |
| 5. Le tres amicos ha un camera de hotel. | <input type="checkbox"/> | <input type="checkbox"/> |

supermercato vitro preparate al condimentos comprar succedite de periculose preferere fresc

3 Usa le parola correcte ab le cassa in le phrases.

- Io _____ un grande _____ Lambrusco.
- Attention _____ bicyclos, illos es _____.
- Un pasta debe esser _____ con _____.
- In le _____ on pote _____ tote le ingredientes.
- Ha vos _____ trovar toto?

4 Scribe le questiones a iste responsas:

1.

On los compra in un scarperia.

2.

Isto esseva un facile maniera de aumentar le area de habitation.